

是王豈愚癡耶慈氏白言不也世尊佛言慈

氏我修菩薩行時廣修六波羅蜜多相應善

根應無利益耶慈氏白言不也世尊佛言如

是慈氏如汝於六十劫中積集布施等諸波
羅蜜多乃至六十劫中積集般若波羅蜜多

亦復如是彼中廣說行相應知卷九

廣釋菩提心論卷第一

廣釋菩提心論卷第二

達華戒薩造

宋西天三藏朝奉奏矣試光祿卿傳法大師施護奉詔譯

復次此中如毗盧遮那成佛經說所有一切
智智悲心爲根本從悲發生大菩提心然後
起諸方便是故諸菩薩於一切時常行此二
種所有施等方便現身現土眷屬色相廣大
果報二種攝故悉得成就如佛世尊不住涅
槃爲令一切起於正慧普能斷除諸顛倒故
又復不住生死爲由生死起顛倒故是故世

尊成就無住涅槃又復當知慧及方便自相
所行應當遠離共相毀謗二邊離二邊故中
間所行即得無礙所言共相毀謗邊者謂慧
離共相邊方便離毀謗邊此中如是如聖法
集經言若諸相好色身具足即能令觀者起
見九
勝意樂若於三昧中觀法身者即不能令起
勝意樂復有說言慧及方便生諸如來能令
他起清淨信解如是應知又復有言如世間
法應當了知法尚應捨何況非法離取相故
彼諸顛倒取著心斷由彼斷已此說是爲真

勝意樂不應於彼所作事中而起決定實依
止心亦如有說一切法中亦不可取亦不可
捨彼取捨法不可得故或有說言施等諸行
感生死果此中云何謂離於慧而行施等得
少分善以爲喜足起勇悍心復作增上勝善
根想如維摩詰經說所有一切法應與慧及
方便二種俱行施等諸行若爲慧所攝即得
名波羅蜜多名異此即非施等清淨此中當
知若住三摩地能生起諸慧加行專注總彼
所作謂由先起聞所成慧以本宗義而正攝

持然後思所成慧乃得生起於是思慧中觀察如實義彼所觀察決定真實無別邪妄不實顛倒是觀故疑惑止息正智出生如理正修如佛對諸外道說無我法是中應當思惟觀察必有正因得涅槃果異此皆是外道常因分別非爲寂靜是故雜阿含等說思所成慧中如理伺察已應觀諸物有實自相而彼自相勝義諦中即無有生如是阿含中所說決定相應如聖法集經說無生真實不實謂別異法如是等皆隨順勝義諦無生此說

真實又勝義無生即非無生彼一切所行皆過去性此中又言善男子生滅二法畢竟皆是世間取著是故佛大悲者爲欲警悟世間捨諸所行說生滅等畢竟無有少法可生又聖法集經說云何生云何滅答無生名生無滅名滅此中又言阿字門謂一切法離生滅是即一切法無自性門自性空所成聖二諦經說若無生平等即得一切法平等般若波羅密多經說須菩提色色自性空乃至識識自性空自相空所成象脰經說一切性不可

得生於無生性中愚者孰有其生父子合集
經說彼一切法皆悉平等三世亦平等過去
一切法自性離乃至現在一切法亦自性離
如是總說彼阿含中相應堅固之義應當伺
察異此有因即不能成此中如理決定伺察
已要略說者謂諸生性或說有因或說無因
如實當知非彼有因非彼無因是義云何若
捨因性此差別性或有實顯示非彼無因若
法生時乃一切性徧一切處云何非有彼無
性時或無差別於生時中亦非有得非彼有

因如是總說彼非無因而得和合亦非有因
而得和合如是所說若計有我即是外道當
因起執彼無性得生能起諸行而為顯示壞
諸因性何能生起諸行不如理捨故又非外
道所執我等自有力能於他別法得不捨性
既執常性不能於他作義利事若無義利背
卷九十一
相應法此中如是當知所執我等一切力能
畢竟皆空如石女兒彼無自性於所作事中
不能成就彼等設有所作無實力能若非所
作又非和合又如一切事隨有作生已後時

決定若有力能即彼力能自性隨轉乃如前說所起作事而得和合或不隨轉亦如前說彼無自性無常因性定不和合是故諸無常中無有少法可得此中意者如世尊言復次大慧不實共相者所謂虛空滅涅槃無作者無性無取著共相是故無常等生此不和合而亦非無常如過去未來二事性中亦非有生而得和合彼無和合因性隨轉若同時生有所相應亦非同時因所作自性事得決定彼同時觀亦無所成性或異時觀亦非異時

若於時中緣中觀者彼亦不生不實過去若生有所和合而亦非緣亦非有生彼一切我而亦無緣又非一剎那中一切剎那隨入劫與剎那分量而不和合如諸微塵合集搏聚是中亦無極微量我而得和合如是一聚一分中彼剎那蘊聚性不和合自不得生亦無因分若是中取彼分性即自我所作相違亦無二種若有二分性即二種過失隨著如是總說是故一切世俗所生有所得性於勝義諦中而實無生此說不與阿含等相違如

佛所言諸有生性皆謂世俗勝義諦中生無
自性無自性中若起疑惑彼即實起世俗之
意所說如理是佛世尊真勝意樂如世稻釋
等自性他性於二種中說無因生是義當止
此中宜應如理伺察若色無色彼之二性如
餅器等彼極莫九微量不壞色性於前分位而非
一性前分位中若有所壞彼即不成又非極
微聚中有一性多性彼一多性離云何有自
性若無自性此即勝義如夢中所得色相色
性其義應知此即佛所說如楞伽經說復次

大慧譬一大象破如微塵於是微塵相中如
理伺察彼之色性實無自性又如色蘊中青
等諸色彼有對礙而無自性如是畢竟識外
非色是義應知如世尊言外無諸色自心所
現彼外青等種種色相實無對礙而取捨相
亦無對礙非一性相應亦非多性相應一多
相違云何非一性以一聚色性故非一性非
多性者其義應知此中伺察諸有色相自體
不實故無對礙彼識亦不實何以故識自相
離非說彼色離識而有又復識之自相種種

不實由如是故說識不實是故佛說識如幻士如是總說若一性若多性是性皆空勝義
謗中一切性不實此義決定又如楞伽經說
譬如鏡中所見之像非一性非異性如是觀
時是性非有何以故一異性離故一異性不
疑九
著故或有說言智者觀自性實不可得此中
不可顯說無自性故如是等諸有所說如理
伺察是爲恩所成慧決定如實是義成就由
此修所成慧當得生起若無聞等修慧不成
如寶雲經說諸正行者有智光明出生中間

彼正不壞由智出生諸所修作出生成就譬
如地中不淨遍滿諸有所生云何能生諸修
亦然明了智果真實性中如理出現如三摩
地王經說若有人起多種尋求而所起心有
著有依止是故若欲證彼真實修慧者應當
最初修奢摩他相應勝法會心安住猶如止
水若心有動非奢摩他不能攝持而住如佛
所說住等引心能如實知若散心位非此相
應是故修奢摩他時諸所得諸所欲當住平
等捨體中苦等而悉除遣安住淨戒發起精

進速得成就此中如是如和合解脫經說先
修施等勝上之行次復修持淨戒然後住於
奢摩他行若欲住是奢摩他者隨諸分位於
諸佛菩薩等先當歸命懺悔隨喜次應起大
悲心普盡世間生救度想於安隱座中跏趺
而坐直身端住現前正念引發三摩地現前
相應從初專注如應觀察乃至多種所緣等
事普盡收攝繫心靜住復次總略色無色二
種中應當捨離散亂過失總被相應所緣起
勝作意乃至蘊處界一切事等悉不分別即

得清淨所有廣說諸所緣行相如和合解脫
經第十八相應分所有世尊攝有情事色等
分別及一切事分別略中廣行相如阿毗達
磨等說此中意者於彼等事觀已離過而悉
收攝令心相續勝進增修若或心生貪等爾
時應作不淨等觀得止息已又復過前起勝
進心此不淨等觀所有行相恐繁且止若或
彼心不能勝進起勝意樂亦是散亂過失爾
時應觀三摩地所有功德起勝意樂即能止
息非勝意樂若時昏沉睡眠生起應觀佛等

功德勝喜悅事彼能止息復次如是於所緣中如應堅固攝持不散即得相應又復若時前心愛樂喜悅隨生後心高舉爾時應作無常等觀如是總說於所緣中應使心無動作專注靜住離高下法平等所行心得清淨彼發悟散亂等因而悉棄捨若有真實發悟所作彼心散亂於所緣中若無動作如是乃得所欲所行勝定相應爾時當知奢摩他成如是等當知一切奢摩他共相謂心一境性中自性彼奢摩他所緣決定如是此等奢摩他

法佛於般若波羅蜜多等經廣說復次當知修奢摩他有九種法一除二偏除三分位除四近除五調伏六止七近止八一向所作九知止此等九種行相云何謂偏此九法是即名除於所緣中繫心是爲偏除於所緣中相續而轉是分位除散亂現前而悉摧伏是爲近除散亂離已又復勝前偏除所緣是爲調伏若愛起時伏故名止若散亂過失現前不起勝意樂而能止故是爲近止若昏沉睡眠等起時速當遣離是爲一向所作於所緣中

卷九

十五

得無動作已然後專注得相應止得彼止已
心住於捨是爲知止如是等義如聖慈氏菩
薩所說又復當知諸修一切三摩地時有六
種過失一懈怠二所緣忘失三沉下四高舉
五無發悟六發悟此六過失生時當起八種
斷行對治何等爲八一信二欲三勤四輕安
五念六正知七思八捨此等對治行相云何
謂信等四法對治懈怠此中意者以三摩地
功德中要具增上正信順相彼相應者起勝
希望於希望時發精進行所起精進身心勇

悍後得輕安是故對治念對治所緣忘失是
義應知正知對治沉下高舉謂以正知起正
觀察能令高下二法止息是故對治思對治
無發悟是義應知捨對治發悟由前高下得
止息已心住正直即無發悟是故對治如是
八斷行對治六種過失已所有最上三摩地
事業即得成就神足功德由此而生如諸經
說若具八斷行即能發起四種神足所有心
一境性勝上事業得正相應乃能證入禪定
解脫法門圓滿一切最勝功德

廣釋菩提心論卷第二

九

十六

音釋

捶之累
侯擊也
力也
脰羊益
切度官

伺相吏
察也

敢徒濫
食也

詰苦吉
切悍